

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-17551/19
Sarajevo, 10.10.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na izgradnji separatne kanalizacione mreže u ulici Amira Krupalije

I

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na izgradnji separatne kanalizacione mreže u ulici Amira Krupalije, broj obavještenja 422-1-3-230-3-115/19, objavljen u „Službenom glasniku BiH – Oglasnik javne nabavke“, br. 60/19 od 06.9.2019. godine, dodjeljuje se ponuđaču „Bujice“ d.o.o. Konjic, sa ponuđenom cijenom za okvirni sporazum u iznosu od 341.688,79 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. koja se odnose na član 45. stav (2) tačka od a) do d) Zakona i 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-23-17551/19 od 28.8.2019. godine Općina Novi Grad Sarajevo pokrenula je postupak javne nabavke za izvođenje radova na izgradnji separatne kanalizacione mreže u ulici Amira Krupalije, broj obavještenja 422-1-3-230-3-115/19, otvoreni postupak, objavljen u „Službenom glasniku BiH – Oglasnik javne nabavke“, br. 60/19 od 06.9.2019. godine.

Zapisnikom o otvaranju ponuda od 24.9.2019. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača: 1. „Ted invest“ d.o.o. Sarajevo sa ponudom u iznosu od 449.933,21 KM sa PDV-om, 2. „Bujice“ d.o.o. Konjic

sa ponudom u iznosu od 341.688,79 KM sa PDV-om, 3. konzorcij „Manjo“ d.o.o. Sarajevo i „Bosman“ d.o.o. Sarajevo sa ponudom u iznosu od 402.396,59 KM sa PDV-om i 4. konzorcij „Hydra“ d.o.o. Sarajevo i „Hidromont“ d.o.o. Srebrenik sa ponudom u iznosu od 403.812,84 KM sa PDV-om. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Ted Invest“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost: da je ponuđač opremljen neophodnom opremom za obavljanje predmetnih radova: kamion -2kom, utovarač – 1kom, bager 20 t – 1kom, mini bager 5t -1 kom, vibro ploča 200-300 kg – 1 kom, što se dokazuje izvodom iz knjige osnovnih sredstava ili ugovorom o iznajmljivanju opreme, a za kamione se dostavlja saobraćajna dozvola, za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenju dokumentaciju „Ted Invest“ d.o.o. Sarajevo utvrđeno je da su za radne mašine dostavljene upotrebne dozvole bez zapisnika koji čini sastavni dio istih.

Iz naprijed navedenih razloga utvrđeno je da ponuđač „Ted Invest“ d.o.o. Sarajevo ne ispunjava uslove tražene u tenderskoj dokumentaciji, te je ponuda odbačena shodno odredbama člana 68. stav (4) tačka h) Zakona o javnim nabavkama.

Komisija je utvrdila da ponuđač konzorcij „Hydra“ d.o.o. Sarajevo i „Hidromont“ d.o.o. Srebrenik ne ispunjava kvalifikacione uslove tražene u tenderskoj dokumentaciji iz tačke 3.4.1. (3) tehnička i profesionalna sposobnost: da je ponuđač opremljen neophodnom opremom za obavljanje predmetnih radova: kamion -2kom, utovarač – 1kom, bager 20 t – 1kom, mini bager 5t -1 kom, vibro ploča 200-300 kg – 1 kom, što se dokazuje izvodom iz knjige osnovnih sredstava ili ugovorom o iznajmljivanju opreme, a za kamione se dostavlja saobraćajna dozvola, za radne mašine saobraćajna ili upotrebna dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenju dokumentaciju ponuđača konzorcij „Hydra“ d.o.o. Sarajevo i „Hidromont“ d.o.o. Srebrenik utvrđeno je da su za kamione dostavljene potvrde o vlasništvu vozila, a ne saobraćajne dozvole, zatim nisu dostavljene saobraćajne ili upotrebne dozvole sa zapisnikom za utovarač i vibro ploču.

Iz naprijed navedenih razloga utvrđeno je da ponuđač konzorcij „Hydra“ d.o.o. Sarajevo i „Hidromont“ d.o.o. Srebrenik ne ispunjava uslove tražene u tenderskoj dokumentaciji, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostale ponude ponuđača „Bujice“ d.o.o. Konjic i konzorcij „Manjo“ d.o.o. Sarajevo i „Bosman“ d.o.o. Sarajevo Komisija je analizom i procijenom dokumentacije kojom ponuđači trebaju dokazati svoju kvalifikovanost za učešće u ovom postupku utvrdila da iste ispunjavaju formalno-pravne i kvalifikacione uslove tražene u tenderskoj dokumentaciji, te da su računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Bujice“ d.o.o. Konjic sa ponudom u iznosu od 292.041,70 KM bez PDV-a, odnosno 341.688,79 KM sa PDV-om, 2. konzorcij „Manjo“ d.o.o. Sarajevo i „Bosman“ d.o.o. Sarajevo sa ponudom u iznosu od 343.928,71 KM bez PDV-a, odnosno 402.396,59 KM sa uračunatim PDV-om.

Tenderskom dokumentacijom u tački 1.5.5. i 5.6. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 04.10.2019. godine sa početkom u 9:00 sati. Nakon okončane e-aukcije za predmetnu nabavku, a na osnovu Izvještaja o toku i

završetku e-aukcije - broj postupka 422-1-3-23019, Komisija je utvrdila da konačna rang lista izgleda kako slijedi:

1. „Bujice“ d.o.o. Konjic sa ponudom u iznosu od 292.041,70 KM bez PDV-a,
2. Konzorcij „Manjo“ d.o.o. Sarajevo i „Bosman“ d.o.o. Sarajevo sa ponudom u iznosu od 343.928,71 KM bez PDV-a.

Komisija je nadalje utvrdila da je ponuda sa najnižom cijenom ponuđača „Bujice“ d.o.o. Sarajevo u iznosu od 25.788,79 KM veća od iznosa određenog u Odluci o pokretanju postupka javne nabavke (gdje procijenjena vrijednost predmetne nabavke iznosi 315.900,00 KM sa PDV- om).

Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-1794/2019 od 07.10.2019. godine Služba za finansije je dala saglasnost na traženi dodatni iznos od 25.788,79 KM, te je na osnovu te saglasnosti Komisija nastavila sa procedurom javne nabavke i predložila da se donese odluka o dodjeli okvirnog sporazuma za predmetne radove ponuđaču „Bujice“ d.o.o. Konjic, sa ponudom u iznosu od 341.688,79 KM sa PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu okvirnog sporazuma ponuđaču „Bujice“ d.o.o. Konjic, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Njira Šahić Šahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

